

佛山忠義鄉志卷十九

舊志序例彙編

李志 陳志 吳志

孔安國曰序所以明作者之意也古者書必有序夏商諸書各有小序冠篇首是為序書之始書序託名子夏儒先多駁之周禮序官所屬各職

系於各官之下是為目錄之始司馬遷作史記師其意分書表紀傳各有分序標題下詳列子目又作自序一篇綜括全書而作者之意益明杜預左氏春秋始作例言王弼注周易作略例自是體例大備著作家因之志例如史惟史則各為一書志則合新舊為一書而義例以新志為主又新志既出舊志即不刊行所恃以窺見原書之大略者序例而已吾鄉志有三李志已佚止存序一篇說一篇陳志全書具在吳志錄其序文入藝文志條例從略竊以

佛山忠義鄉志卷十九

舊序 一 序例

謂禮樂不相沿襲孔子作春秋亦不盡依魯史其屬詞比事因文

見義三傳各有發明即今之按語也

毛西河春秋屬詞比事一卷即春秋例言章實齋文史通

義有自注一條即按語

吳志本陳志今志又本吳志凡門類之增併編次之

後先不必悉如其舊既有按語發明不啻如見原書矣第門類既多不能較若畫一非經程前民之意爰取現存舊志所有總序分序及其例言條目悉數登錄俾後人得窺全豹且可藉是以知沿革之故豈不懿哉洙泗春秋本因魯史紹我前脩式觀元始作舊序志第十九合卷首為二十終焉序在書後古制也

李志小引

客有過余齋頭坐相與語因及桑梓事客欣然請曰天下者一國之積也一國者一鄉之積也以君之博洽國與天下事無所不可一鄉之槩可得而悉之與余曰未也余生粵南偏不及遨遊天下



名都大邑山川風俗人文景物弔古人之芳踪揆野乘之珍藏披輿圖之廣記以益余之不逮譬猶坐井觀天爾而又烏稱博洽爲矧天之南有粵粵之郡有廣廣之邑有南海南海之鄉有佛山卽耳目見聞頗識於懷奚足多耶客曰國與天下知君有志焉偶未逮耳請自鄉始客乃力叩余平日所爲聞見者隨與語終日咄咄不休客曰嘻異矣以余所聞令先翁超南公言君弱齡長於記述成童優於論斷殆非虛語君其勿遜因出一編示客客喜曰已有成書矣盍公之母徒爲枕中祕俾佛山鄉志由此書權輿不猶愈乎余曰抱此良願久矣第三寸舌耕而資無從出持鉢近於陋斂箕近於擾計將安施乎歸而謀諸母母曰所志云何余曰孝子順孫則志之義夫節婦則志之紳衿榮顯又志之封贈恩蔭又志之甚至廟寺菴堂氏族祠宇里巷墳墓歷年災祥以及幽光潛德有

則必書母曰此事誠美昔人捐貲以惠屠氏猶作無益害有益茲役也費吾老大簪珥無幾願毀以成厥事其梓諸於是輯舊文錄碑傳詢故老焚膏繼晷歷五閱月而筆藁始就又歷半載而梓工乃竣每事必極其精詳無敢欺已以欺世於其所不知蓋闕如也獨是人物一節余何人斯安敢妄爲汝南評乎然採里巷之口碑及平生所敬仰者雖一節之微一行之善據事直書間有邑志已載則採而錄之邑志未及載則葺而補之是必月旦輿論有同情方垂諸簡冊而無愧於是請教鄉先達叔求霍老先生及質之同人龐君猶仲倫君甫明霍君章賓咸曰善遂命兒曹象鑣象錦象鏗暨門徒梁胤昌編次較閱而一鄉之事展卷瞭然謂斯志爲草創以俟後人之增飾也可謂斯志爲遵母之志亦可謂斯志爲余之成書則不可敢曰國與天下有志未逮哉客復顧而笑曰君之



書成矣君其勿遜第勞費心力又不靳解橐俾昔人之幽光潛德無致泯泯無聞者皆志書之爲也亦君之貽之也請記其事於簡端庶後來有續是志者亦知所自乎余曰唯唯因述其顛末聊以爲引以報客各願是誰順德文康梁公之後錫植梁君也里人李侍問撰

### 李志原序

志何昉乎昉諸春秋也孔子曰吾志在春秋朱子曰心之所之謂之志則凡事無大小有志者事竟成也然天下輿地有志省會郡邑有志鄉何爲獨不然吾佛山一鄉向無專志有之自今日間衷李君始君生而聰穎遇事輒記讀書之眼多所著錄大司農忠定李公甚器之卽鄉人亦莫不稱爲李家駒也一日詣予廬語及修鄉志事欲予同事焉予曰吾老矣無能爲也已願君其兼之未幾

佛山忠義鄉志卷十九

舊序

三

李志

而持文藁至稽核甚詳採聽甚當舉從前之事蹟一一臚列之其用心可謂至矣乃復以母命不靳解橐遂捐金以爲梓人費其隆德高誼又非尋常所可及况君少失怙事母至孝矢志芸窗讀書角藝安得休暇及此乃披閱其志書頓覺綱舉目張幽遐昭著分列十卷首輿地廟圖次歲時風俗而以人物傳終焉固知天下事自有兼才卽纖埃罔不入其靈府倘所謂胸中有全志者非耶然佛山之地五方雜處民情土俗與時消息按志而稽損益可知矣有志竟成洵弗誣也余昔甲子與鄴侯公同居於鄉又與忠定公同時在燕皆間衷君雁行也卽今日之役余安得不欣然而序其事於篇端康熙五年五月里人霍得之撰

### 陳志自序

東粵有志南海復有志省合而括邑專而詳志如是足矣至邑之



有鄉又各自爲志則不勝其煩而且傷於贅何則鄉之地無幾其人其事之可紀者已採入邑志中奚用再瑣瑣爲然獨不可以是例忠義鄉也鄉號劇鎮屹爲嶺南都會既與他鄉不同而涖以官司衛以兵戎舉非他鄉所有自明而始盛至國朝而大盛其人其事之可紀者幾與他邑等不稽覈文獻會萃成書曷以表海國之名鄉哉夫博雅之士遇一佳山水尙思搜剔幽奇勒爲一志况攷風俗闡潛德揭忠義於前徽勵名教于來世幸逢右文之治曷敢不鳴其盛歟迺自有鄉以來落落千百載竟未有起而作志者非有待於後之人歟康熙甲申里人李君侍問始粗創之爲一鄉文獻計意良厚而義例不立敘議多遺傳曰言之無文行之不遠今已殘缺不存志之有賴于修也亟矣鄉故多士僉謀所以修之者而屬余總其事予以固陋辭不獲爰發凡起例廣爲蒐羅計分十數

佛山忠義鄉志卷十九

舊序

四

陳志

曰鄉域譜井里也曰官典尊制度也志鄉事鄉俗而風謠備矣志鄉學鄉防而文武燦矣人才徵于選舉名宦著於謳思標人物以樹先型采藝文以垂不朽可以興可以觀矣蓋本於舊志者十之一二餘皆新輯維桑與梓見聞頗確事核而辭直或庶幾焉夫一邑者一鄉之推也一國者一邑之推也地有大小而治無大小也則志亦無大小也是志雖一鄉之私書而可以補省志邑志之所未及卽視爲一邑一國之書無不可也若曰夸大以侈其鄉則余豈敢乾隆十七年歲在壬申九月穀旦里人陳炎宗撰

凡例

- 一 鄉爲都會地土僑參錯而居初無畛域之分志內選舉人物俱一體採輯惟君子爲能通天下之志蓋必自同人於鄉始矣
- 一 僑籍有以才德著者人物志有以名爵顯者選舉志舉人知縣



以上仍追紀其原籍不沒其所自而本始之義昭焉

一邑志載文武科甲至歲貢而止其各途出身軍功出身例貢國學郡學文武學不與焉今則盡登之非好繁也蓋以齒於衣冠異於凡民或仕祿之初階或科名之發軔是宜並存以勵進取一邑志所載者壽俱有行誼可傳否則百齡以上茲則寬收九十以上悉錄以鄉黨尙齒也

一藝文以有關於鄉之風土者迺載餘雖鉅藻鴻裁槩不旁采一選舉志前朝科目除授崇正以後者槩不敢登遵功令也

一列女有節婦貞女賢母才媛四項俱宜分列今更不分類但隨先後書之本邑志也况觀者自能條析可毋庸贅

一舊邑志例有曰名宦立傳昭激勸也至現任名賢縱有殊尤未敢稱述今仍此例以杜諛誣

佛山忠義鄉志卷十九

舊序

五

陳志

舊邑志例有曰士君子身後論定雖今日功名顯赫之人嚴穴高蹈之士未敢預爲立傳列女亦然苦節未亡統俟他日今仍此例以矢慎公

一邑志首載分野此獨缺者緣地在邑中分野自與邑同邑志既詳毋庸贅述

鄉域志

形勝

山川

疆界

昔鄭公有德孔北海爲易鄉名不知其幾何里也而吾粵程旼以

姓顏鄉遂以名縣

程鄉縣今爲嘉應州

則所冠者廣矣夫地獲褒稱因乎賢

哲而後來憑賞過輒低徊雖廣狹不同傳愛則一也忠義鄉爲嶺表巨鎮週遭三十四里中分二十四區區可一里有半其廣不及

縣之一隅然以擬鄭康成故里或且過之矣忠義之遺山川增色由今溯昔撮土猶馨雖一鄉平實弁冕於炎方也已夫豈獨鄭程



之鄉始擅人地之美哉作鄉域志

官典志

同知 巡檢 都司 千總  
公署 靈應祠 鹽埠 稅館

我朝之職官因地酌宜可減者裁當增者建制至善也佛山蕞爾一堡距會城五十里仰治於其上是亦足矣而迺分符置閫幾同郡縣非以地稱繁劇實資彈壓耶夫文武並設以寧輯吾民國家所以嘉惠此鄉者良渥靜以鎮之則官逸而民受福焉謹志之以昭特典至若靈應祠官司其祭鹽埠稅館官稽其程皆彝典也故以附於職官之後志官典

鄉事志

紀畧 圖甲 坊表 廟市 津梁  
亭館 寺觀 家廟 墳墓 古蹟

鄉以無事為福志鄉事何曰此昔人之已事或斯鄉之所宜有事也惟無廢事迺可安於無事也覽紀略則知往事矣按圖甲則趨公事矣市渡宜循其舊廟橋或以時新家廟墳墓孝之事也亭館佛山忠義鄉志卷十九 舊序 六

陳志

寺觀事之餘耳古蹟則事之可傳者足資憑賞故亦附焉作鄉事志

選舉志

進士 舉人 歲貢 武科  
各途 軍功 封贈 恩蔭

古者取士於鄉有州舉里選之法後世以文章取士不計鄉之月旦也迺奇偉之彥亦往往出其中鄉所指而期之者輒弋獲以去安在非得人之令典歟吾鄉以科第顯者後先相望外此或由明經胄監或由軍功計吏其通籍仕宦者復不乏人今分類備書之豈以侈衣冠之盛哉語云名位安足重人人自重名位耳士當求其所以不負選舉者何在斯上為邦國之良下為鄉黨之光也已志選舉

鄉俗志

習尚 氣候 語音 歲時  
氏族 物產

書曰表厥宅里孔子曰里仁為美故論鄉者先考俗吾鄉夙以醇



古聞繼而風氣大開名賢輩出典型流布俗斯美焉所慮久而或變耳訓整以維之曷可緩歟若夫氣候因乎地門第因乎人則所以節宣而振起之者亦非隨波而靡者之所能肩也古之君子以匹夫而化鄉人桑梓倘有其人乎予日望之矣作風俗志

鄉學志

社學 書院 義學 文閣

里有社學卽古家塾也書院義學則又推而廣之若古黨庠也我朝樂育人材教澤周渥黌宮之外復有書院義學之設民間向風村落各立社學千萬家之聚復有書院義學幣良師以玉其子弟矧忠義鄉爲富庶之名壤哉茲計社學凡六所書院凡九所而義學則邇日所創建也講習有地造就非難於以仰承作人之雅化其庶幾乎志鄉學

鄉防志

隘口 營哨 更聞

佛山忠義鄉志卷十九

舊序

七

陳志

兵以衛民今時之制最備雖巖鄉僻壤水陸皆置汛守佛山爲劇鎮故所以防之者益周戍卒碁布洵嚴且固哉而鄉人又謹於更聞分域巡警繕器械以戒不虞壯夫羣効力矣夜柝不驚同樂寧謐者良有由也志鄉防

名宦志

名宦

君子見人之有善揚之惟恐不及況於親蒞其地者哉大而省會郡邑小而一鄉凡愛而傳均稱名宦也顧佛山之駐郡司馬方二十年而帥長駐防亦不過數十年巡檢則十堡所共原駐平洲暫移佛山耳歷時未久則未敢遽紀非鄉專官則不得私紀似無庸志名宦矣迺有謳思在民而其人已往慨慕於遺愛之下烏容湮沒哉爲譜舊德以耀新編遲之久而載多益有光於鄉乘焉矣志

名宦



人物志

名臣 循吏 文苑  
孝友 義行 武功

人物之繫於鄉也顧不重哉夫表先哲之遺徽以矜式乎後之士其事實關乎激勸而典型不遠奮者思齊安見不引而日上也忠義鄉為賢才淵藪稱三不朽者歷歷可數傳其人與事俾羣而指之曰某吾之祖某吾之鄰某則吾之世戚也又從而指之曰某巷某之故里某室某之舊廬也其感動親切不愈於覽史傳而興起哉至地多高年女多恆德亦俗美使然均足為鄉羨焉爾作人物志

藝文志

疏記

山川清華之氣鍾於人則為文章而宏雅多才亦增山川之色人地交輝上騰霄漢焉忠義鄉以富美聞四海之內猥以奇珍瑰物當之豈知靈淑鳩凝蔚為鴻寶有藝文之炳炳琅琅乎夫進則著

佛山忠義鄉志卷十九

舊序

八

陳志

經國之嘉謀處亦闡翊世之名論即風謠雜記其光爛然識者以為得江山之助不信然歟志藝文

陳志後序

志何昉乎昉於史也史又何昉乎昉於詩也古者三代盛時命太史採民風以觀其俗尙自封建廢採風之典不行而史之權遂操於官矣故作史者至今日為難孟子云王者之迹熄而詩亡詩亡然後春秋作春秋者史之所由名志者特史之一端而名勝與鄉國之志又郡縣志之一端也彼其前有所稽後有所考猶不能無互相得失而況吾鄉佛山未嘗有志者乎則修創之難其什伯於他志又何疑哉憶曩者世宗皇帝時命修一統志各省皆開局分纂祖承督撫大人之聘佐會稽太史魯啟人先生與諸子同勦局事甫一載而書成其時吾鄉諸君子即以佛山之志見委祖因病



力辭後又以瓜期相逼遂絕繫一官於筠城然每當送科回日諸君子復重理前說然終以職守所縛不能也邇歲幸值太史雲麓陳先生告假返里祖於是乎手額而喜曰佛山志有其人矣遂速諸君子往請太史亦力辭至再而後允及告竣懸之國門遂成不刊之書矣祖於是慨然歎曰筆具三長胸羅四庫太史其真良史才哉蓋爲此志者所難有三所不易者有四溯吾鄉自明代以前版籍無徵碑碣失考所稽覈難卽訪之各族子姓而家乘所垂不能無魯魚亥豕卽故老所述亦不免傳聞異詞則徵信難向者陳眉公有云史冊若賬簿然熟讀打算恐涉米鹽之零雜刪蕪就雅又類金石之標題則比事屬辭難若避此三難卽有四不易者以隨其後何者前賢功績有顯有微卽載之傳記者亦有直有諱倘涇渭莫分亦奚辭乎知罪其不易者一也又况立乎今日以上溯

千百載之肇基若但按圖索驥則蔚宗良史常璩且笑其續貂倘徇情濫收縱韓愈文章劉又亦笑其諛墓其不易者二也抑祖嘗聞之前輩矣修志與修史不同史一成而不易志則屢修而屢易其辭若所易者而當則後人攘爲己功所易者不當輒誣前賢爲失實其不易者三也又不獨此卽使所易而當亦有所不可者昔西湖志鐵冶嶺有莫婆井是善士莫公之妻所鑿有一士惡其名不雅改爲莫公井夫亦謂夫與妻一而已後夢莫婆見責其目遂瞽其不易者四也况吾鄉原勝地也肆號五都輪蹄相雜習尙易爲轉移所幸風氣醇厚士習克端縉紳敦禮讓之風學校無城闕之刺所賴操持教化者因事而利導之整齊之則帝治光華王民皞皞不難復見於今日茲試與諸君子揚扞此書其修辭也簡其筆削也嚴不漏不卮有倫有脊以表揚聖朝之駿烈而著往哲之



芳徽風俗轉而日新文光因而增勝關門無犬吠之醉人旗亭多  
畫壁之紅粉閨閣亦解詩書孺子亦知吟咏誰謂茲志之修顧可  
一日緩哉吾願諸君子生斯長斯聚國族於斯念舊德服先疇以  
無忘先正之古處則以是書備採風之諮度亦無不可也夫乃或  
者曰鄉以人重耳未聞人以鄉重也予曰不然通德之里其鄉固  
以鄭公而重也然子獨不讀晉書乎烏衣之巷其子弟之遊觀而  
至止者都人士莫不豔之慕之曰此王廙王家也其子弟又豈不  
以烏衣巷而重耶故古人之不輕去其鄉以此昔石建過里門而  
不式萬石君怒而不食孔子於鄉黨飲酒立談備著於魯論豈非  
以父兄宗族之所在歟故又曰觀於鄉而知王道之易易毛詩亦  
曰維桑與梓必恭敬止古人之重其鄉也如是夫重其鄉即所以  
重其人也祖鄉人也因得次其始末以為吾鄉慶而樂為之序

佛山忠義鄉志卷十九

舊序

十

陳志

乾隆十有八年歲次癸酉季春吉日里人李紹祖頓首拜撰

監修

誥授奉政大夫廣東廣州府佛山同知 古吳毛維綺  
誥授奉政大夫署理 廣州府佛山同知 長洲趙廷賓

總纂

賜同進士出身翰林院庶吉士辛酉解元 陳炎宗

同纂

賜同進士出身 截選 知縣 龐遙

敕授文林郎江西永新縣知縣改授新興縣學教諭丙子科經魁 李紹祖

敕授文林郎辛酉舉人揀選 知縣 梁調元

歲 薦霍珠

歲 薦龐永乾



分編

文

學 洗必顯梁東大彭金祈陳捷揚李高

分校

國

學 龔昭陳廷相黃四德洗松

監梓

國

學 黃為達霍泰

吳志自序

道光丙戌春余在黔南得請歸省同人以佛山鄉志體例未協采輯未廣且前志迄今已七十餘年屬余續輯余以簡書期促父命就道而未有以應也且謂之曰為一事而不能度越前人者勿為可也續輯之難莫難於采訪尤莫難於手筆因挾陳雲麓吉士所纂原志以行塗次將應刪應改應增者復之越歲戊子夏在閩藩

佛山忠義鄉志卷十九

舊序

十一

任奉先通奉諱遄歸經營兩先塋幾及兩載庚寅春同人復以續輯請竊念余受祿於朝尚不至藉筆硯以餬其口復謂之曰志可續矣紙筆脩脯膏伙剗之助君等均之余不敢受但以藁本來三閱月余將有以復諸君也夏五月藁本至以其未備復持去秋七月洗雩門孝廉來出藁本曰此嚆矢耳其門類排畧藝文金石搜羅增改將有待也余北行有日且鄉中事蹟采訪已定謹就家中所有之書於藝文金石各增益之汰其繁冗釐定其門類各加論正原志凡十門今衍為十四門鄉域鄉事選舉鄉俗鄉學鄉防名宦人物藝文九門悉仍其舊析官典為祀典官署兩門以歸典則增鄉禁一門全載告示以別藝文再增金石雜錄兩門以廣聞見以八月之杪告成越月余服闋俶裝首塗其書寫格式字句校讐均不暇及也自周禮有鄉師鄉老鄉大夫次有黨正族師閭胥



鄙師鄧長里宰鄰長之設漢文帝置三老孝弟力田無常員三老掌教化凡有孝子順孫貞女義婦讓財救患及學士爲民式者皆扁表其門以興善行由晉洎唐鄉官皆以鄉之有德行者爲之至德以後始掌以官司然秦制十里一亭十亭一鄉漢因秦制縣方百里則鄉之大與縣等今佛山忠義鄉廣七里袤十里耳而其間孝子順孫貞女義婦讓財救患及學士爲民式者沐浴聖朝重熙累洽之化日新月盛又七十餘年甲榜乙科倍於前數則鄉不可以不志志不可以不續但恐搜訪尙多遺漏而余之手筆於陳先輩無能爲役耳既脫藁書以復諸君道光十年歲在庚寅冬十月里人吳榮光撰并書於三十六江舟次

凡例

一陳志云邑志首載分野此獨缺者緣地在邑中分野自與邑同

佛山忠義鄉志卷十九

舊序

十三

吳志

邑志既詳毋庸贅述今仍之

一陳志云邑志載文武科甲至歲貢而止其各途出身軍功出身例貢國學郡縣文武學不與焉今則盡登之非好繁也蓋以齒於衣冠異於凡民或仕祿之初階或科名之發軔是宜並存以勵進取今仍之

一陳志云邑志所載耆壽俱有行誼可傳否則百齡以上茲則寬收九十以上悉錄以鄉黨尙齒也今仍之

一陳志云藝文以有關於鄉之風土者迺載餘雖鉅藻鴻裁槩不旁采今仍之

一陳志於選舉門凡前明宗室僭號除授科目者槩不敢登今仍之

一陳志於名宦門現任者不立傳人物門雖功名顯赫苦節可貞



及巖穴高蹈之士其人尙在亦不立傳以杜諛誣而矢慎公今仍之

一陳志職官祀典合紀名爲官典未知所出查漢官儀唐六典等書俱載一代制作未聞有設官祀典合而爲一者且原志祀典內附人不見經史之神廟何以爲典佛山同知乃分防之員與廳縣有城池學校者迥別今析祀典爲一門以官存署官署爲一門與府縣志所載職官者微有區分至佛山應改設直隸同知管見謹敘入鄉域鄉防二門小引內

一陳志內前明上諭特赦等字俱係兩擡頭寫使人閱之竟不知爲何代之書且靈應祠祝文載於卷首竟似廟誌而非鄉志又祇載前明祝文國朝諭祭係康熙年間事在陳志前而祝文不載未知何意今悉分別增改

佛山忠義鄉志卷十九

舊序

三

吳志

一陳志水道支派山脈遠近不無舛錯今以同人得自親歷者正之至陳志所云汾水與晉汾並及黃繖舖爲積善餘慶彩陽堂爲彩鳳朝陽徒事誇大未當體要今悉汰之至前志有關鄉中事蹟不敢妄刪亦不敢妄改以俟後人采擇

一陳志告示入藝文似屬濫收然告示有關於鄉中利弊礙難刪汰今專立鄉禁一門悉載告示

一近人文字經刻石者悉入金石一門而以靈應祠鐵鏡及唐貞觀石榜冠之末附法帖一類

一藝文人物先存陳志後列續增或有陳志所遺而年代在前者仍依次列入至原載佛山二賦則錯漏不可讀今甯刪去

一志內全依陳志者則注明陳志二字有節增者則註出節增有采取各書者及得自採訪者皆一一註明不敢掠美至續增摻



羅去取皆洗雲門孝廉手輯總纂者不過分別門類商定體例附陳管見而已

一李志日久無存故編纂多依陳志之舊

鄉域志 形勢 墟市 地脈 山川 田畝 舖社 道路 里巷 橋梁 津渡 水利 潮汐 內涌界至附

古者十州為鄉使之相賓鄉師稽其鄉器說文曰鄉國離邑民所封鄉也范柏年對宋文帝曰臣漢中惟有文里武鄉徐岱所居為復禮鄉王烈以義行稱所居為君子鄉是擇鄉而居所貴乎風淳俗美也顧地靈者人傑俗阜者物繁佛山自前明鄉人梁廣等捍海賊黃蕭養之亂名忠義鄉原二十四舖今增為二十七舖周三十四里外與鄰鄉犬牙相錯者陸則張槎之低路夾山粥塘之聖堂鄉高秧地水則上而沙口下而五斗口汛均為稽防要地重以處省會之上游水陸交通百貨總至五方雜處九市殷填日積月

佛山忠義鄉志卷十九 舊序 十四 吳志

盛於今至為富庶夫民富則保聚宜亟民庶則訟獄必繁五年前奸民劉亞添張有等聚眾至千餘人勒賑不遂拆毀有司官署及搶劫居民房室皆以無城池守禦之故事定父老為余言其時文武帶兵緩至一日則佛山為墟矣况游手求食之民來往日以千數誘拐賭博之案層出不窮統治於南海實有鞭長不及之勢倘能仿連山陞廳佛岡增設之成法析南海番禺順德三水四縣分界之地改分駐同知為直隸廳俾之建城池備倉庫添兵衛立學校設監獄庶幾常有防守急有軍儲絕盜賊覬覦之奸重省會咽喉之寄是所望於當軸者志鄉域

祀典 祝文 祭器 題額 明御筆扁聯 祀產 各舖廟宇 寺觀

祀典莫備於省城若有禦災捍患之功者祀於一府一州一縣則有之矣祀於一鄉者罕矣佛山祖廟真武神之人祀典也始於明



景泰間海賊黃蕭養之亂鄉民梁廣等禱於神定戰守策有青袍白馬飛鳥聚蚊之異事定有司以聞廢廟號曰靈應春秋遣官致祭我朝因之每歲卽以佛山分防同知承祭是神之靈所以福佑我鄉里者互四百餘年而未艾也鄉有祀故特志之而以鄉人之祀正神者廟宇及寺觀附焉志祀典

官署

衙署  
駐防

佛山宜改直隸廳管見已首列鄉域志矣邈自雍正十一年巡撫楊公永斌奏請添設廣州同知分駐佛山彈壓十堡劇鎮嗣五斗口司巡檢亦由平洲堡移駐佛山於是佛山文武官署並都司千總而四矣雖地方統治於縣並無城池倉庫學校監獄之寄而堂皇高坐菱舍巡行弭奸究於未然整戎行而以暇將使赫赫者具爾瞻檻檻者畏不敢鄉師里老縷指某官某府而紀太平歲月也

佛山忠義鄉志卷十九

舊序

十五

吳志

志官署并以初設駐防官附焉

鄉學志

社學

書院

義學

漢書三代之道鄉里有教故鄭僑不毀鄉校任昉請立學館亦黨庠術序意也鄉之社學始於明洪武三年嗣是而設義學建書院堂館屢增人文愈蔚山陬海澨亦喤然有承平雅頌之聲焉然延師授徒只佛山書院一處橫舍麤備膏火亦緇其餘皆鄉人會文地耳社學四僅存其一書院九僅存其三志樂育者不必博多而鮮當之虛名將鄉學歸併一二區爲之增其橫舍厚其膏火以廣集生徒鄉雖小百年樹人未必無良材以供培植也志鄉學

鄉俗志

四禮  
家廟

氏族  
墳墓

習尚  
古蹟

氣候  
坊表

語音  
名勝

民產  
園林

歲時  
會館

三代以下無鄉師黨正之教每因其風氣而成俗俗始於富家巨室一家偷則相與偷之矣一家僭則相與僭之矣一家正則相與



正之矣鄉民僻遠不獲見朝廷制度法律苟不與之講切修明而隨所便安以爲率則或踰於禮或習於陋而不自知故士大夫居鄉不可不慎也佛山素稱淳樸尚無偷且僭之俗而民物日益其康阜則風會日卽於奢華夫奢華者澆漓之漸也今所志者自四禮以至園林據事直書以待轉移風氣者焉其俗之美者則坊表多而祠墓備也志鄉俗

鄉事志 編年

鄉之事不過讀法鄉飲眾所同也外此則國家功令頒及於鄉者書之又外此則興文講學之事知義好善之事亦所同也而其所以保有此鄉者則莫要於思患預防之事鄉域門首言鄉宜改設直隸廳敘及道光四年奸民勒賑拆搶之案此近事耳邇而上之則嘉慶十四年有防堵洋匪之事乾隆四十一年有奸民搶劫之

佛山忠義鄉志卷十九

舊序

六

事又邇而上之則康熙五十一年有劇賊聚黨之事二年並順治十二年俱有海賊流劫之事至前明二百七十年間除義士梁廣等敗賊案外尙有刁匠拆祠巨盜據社各事均幸文武協力鄉社同心或先事嚴防或偵告卽辦以不及於難耳雖堪與家言佛山一名福山永無劫煞之患然生聚日盛窺伺易生制於未亂保於未危父母斯民者自不分鄉國也志鄉事

鄉防

營哨

舖役

練館

更樓

圖甲

鹽法

稅館

雜稅

水閘

礮臺

水櫃

鄉防以詰奸宄除盜賊先事而防非事至而防也佛山文武設官水陸置汛星羅棋布二十七舖鄉夫巡里巷謹更閘防之者其法周夫奉法者人也使兵差與鄉夫袒庇賄通則防鄉而鄉苦其防曷重乎防至鹽禁關稅以譏出入雜稅以正科則圖甲以資守助是皆所以防若礮臺水閘水櫃禦患卹災又民自爲防志鄉防



人物志

名臣 循吏 文苑 武功 孝友 義行  
馳贈 隱逸 耆壽 方技 列女

鄉號七賢名家嵇阮里稱八士世德儉緝采風碎錦之坊習禮鳴  
珂之巷鄉尚人物由來古矣佛山山環水互望氣云佳政事文章  
代有聞達非忠義二十二老所能概也職非史筆原不必擅分品  
目第前志既有成例仍條而續之自名臣以至列女後來賢哲聞  
風興起慨慕流連欲自處於何等也前志仙釋三人其一近怪其  
二本醫家其三則孝女而尼者今以其二歸方技一三則入雜錄  
焉品目當否仍俟當代史裁志人物

選舉志上

進士 武進士 舉人 武舉 貢生 監生

前志陳太史謂名位安足重人人自重名位耳夫惟知名位之重  
然後能自重而人愈重之故舍鄉舉里選而設科目乃朝廷用人  
大公之柄而絕天下以聲氣攀援之私也吾鄉袤十里廣七里耳

佛山忠義鄉志卷十九

舊序 十七

吳志

有明三百年登進士者九我朝二百年以來登進士者十有五人  
文固已蒸蒸日上矣况歷檢詞林典故一書紀海內科名之盛同  
懷兄弟三人入翰林者自吾粵李氏外不數數觀而萃美於吾鄉  
迄今上下五百餘年不獨甲科乙榜自武功計吏以至膠庠俊秀  
祁祁濟濟亦罕聞有忝此名位者自今以往際登明選公之盛知  
鄉無遺行則野無遺賢奮皇路之風雲作人倫之檢鏡有光科目  
無玷衣冠是則修志者所厚望也志選舉

選舉志下

文學 武功 武學 仕宦 職銜議敘  
疏摺 封贈 廕襲

藝文志上

論說附

采文獻於吾粵之一鄉如豹之斑狐之腋耳况作者藁帙散佚不  
必盡存即存而為搜訪所不及者多矣然或以事存文以人存文  
或詩賦以紀當時之名勝著述以俟後人之訪求不可廢也文取



鄉以內之人而言本省之事者鄉以外之人而言本鄉之事者詩賦則無論本鄉外地凡有關於鄉者載之挂一漏萬知所不免他日增補請俟來哲志藝文

藝文志下 賦 古今體詩 著述

金石志上 金石

省志金石不載前明不勝載也若吾鄉則靈應祠內鐵鏡鐵瓶號爲古物而無款識佛山石榜刻於貞觀陳志所遺而十年前已佚唐石僅于履揖等三碑移自陝省五代經幢亦非鄉物其餘皆明以後修廟宇紀園亭之石耳撰者未必盡爲可傳書者未必盡能合法名式體例亦未必悉遵漢魏韓柳之文顧地限一區例應寬採茲彙而錄之并及筠清館所刻自晉迄元名人法帖六卷定武蘭亭敘一卷以俟後人采擇後之視今亦猶今之視昔安知陂陲林立不由此與年俱古也志金石

佛山忠義鄉志卷十九

舊序

六

吳志

金石志下 石 法帖

鄉禁志 告示

鄉禁者皆官司文告禁約不過吏胥所承行何取乎爾取其有關一鄉利弊苟不志之營私者將惡其害已而去其籍也不志前明遵現行功令也條教赫赫碑石林林使人有所畏而不敢爲不大有造於鄉乎志鄉禁

雜錄志

神非羣祝鬼載一車逃禪乃貞女不得已之心結社亦文人偶一爲之事事不屬詞不比物相雜也陳志以莫可考之神悉其廟宇附祀典未頗與人心風俗有關粵祀之無稽甚矣雖祈禱有驗不敢隨聲而附和焉茲析其不入祀典不見經史之事爲雜錄一門



微示區別若陳氏女以爲尼而不得入節孝詩人結社於前十三門無所專屬取殿終篇志書日久事蹟必應續修後來者或以爲是或以爲非聽之可也志雜錄

按吳志修於道光十年庚寅歲吳荷屋中丞榮光主修洗

雲門孝廉沂總纂見本志自序及續邑志洗沂傳其餘職

名概不刊載故無憑敘錄并注又格式與今志不同應如其舊



續脩佛山忠義鄉志後序

佛山一堡耳曷爲而有志自明嘉靖間以忠義名鄉沿是人文蔚興世家望族相先後且水道滙瀆鬱分派陸衝縉南順要津地大則物博物博則事繁比戶連塵寔成重鎮不有記載曷備流傳攷前志肇始清康熙朝爲李茂才閻衷所撰嗣後陳太史雲麓吳中丞荷屋繼續纂修代有實錄吳志成於道光庚寅惟時民物滋豐識大識小燦然備已遞及民國中經百年其間政俗之變遷風教之遞嬗盛衰治亂之迭循因革損益之互異歷世寫遠傳聞異辭光緒辛丑戴文誠視學閩中假旋經一度提議續修弗果未幾辛亥鼎革議遂寢民國八年會穗垣設局修省志汪宗準長南海以佛山邑中名鎮志今失修後益難繼乃函聘戴孝廉藹天總理厥事推洗明府雪耕任總纂焉竊以爲古者記事之史謂之志是以

任編纂者搜采富而後故實詳抉擇精而後部署協以數過時可之會備徵文考獻之資豈可以涉獵求滅裂應哉今幸得洗君雪耕拋仕優之精神席家傳之筆硯勉肩總纂一席持正誼表潛德旁徵遺箸網集舊聞吾知其因事釋義循源泝流當必能繼述前志發揮而光大之舉一切涉獵滅裂之譏其不足爲明府詬病審矣抑蒙竊有進者民國初造學說標新前人則長於守經罕思用變迹所徵引恐扞時宜不知事有新故理無古今援古可以證今知新半由溫故載筆者毋譁眾以取寵但據事而直書此志之所以爲志也書甫成未及付梓乙丑春三月而明府歸道山同人不忍沒其苦心並辜眾望一再校勘趕哀成帙用公諸世至明府行傳出番禺沈孝廉澤棠手筆則擬援志餘例補附序後俾後之人觀其文章有以知其道誼不欲以當事而遺之亦不敢以當代而



議之取足傳信而已爰誌其繇而繫之以序  
民國十五年丙寅春纂修馮熙猷謹序

佛山忠義鄉志卷十九 後序

三



洗寶幹字雪耕廣州南海人賦性孝友少孤家貧就塾於伯兄寶楨劬於學年十九與兄授徒奉母甘旨無缺二十五館於同邑戴氏家文名噪起同治癸酉舉於鄉癸未成進士以知縣用告近改湖南歷任祁陽永興平江沅陵充乙酉戊子丁酉科湖南鄉試同考官所至輿利除弊錚錚有聲而尤以宰平江爲最下車伊始禱告城隍神以廉潔自矢籌款捐廉脩倉購書闢灰灘平錢法整頓育嬰禁革私酷若水利若種植若保甲措置皆有條理平江向多會匪豪猾惡紳爲之袒庇前後有司怵於勢不敢理寶幹廉其實置諸法亟立團規與保甲相輔而行酌定團規十五條其法規定地段實力聯團設立團總以相統攝飭各團定家規立族長以輔團總聯絡一氣終其任各豪猾聞風避匿會匪解散地方賴安辦理教案向多棘手縣內有英國教士因姦案被控恃勢蔑視縣官

出牧師辯護誣以紳民鬧教案懸未結寶幹蒞任守正不阿搜獲實証卒平反之牧師驚服以爲神寶幹純謹明大體大吏信用尤篤故於祁陽革紳黃維哲挾嫌誣告浮收錢糧一案及墊解事先後訊明陳奏卒得白佛山素稱巨鎮曰義倉曰團練曰學校曰志書歷延士紳襄理宣統己酉清查倉款某氏虧空鉅萬寶幹不避勞怨清查備抵曾見奏案此後倉弊一清蓋寶幹之力也所脩佛山一志雖編纂多才而寶幹蒐羅遺佚準古酌今積歷數年如一日二者皆能人所難性素儉樸官祿所餘於佛山建各房祖祠通一書屋分給姪輩養贍費纂修嶺南洗氏宗譜續修鶴園洗氏家譜聯合八閩早完賦稅犖犖諸大端莫不從根本上講求經營盡善年五十遽告終養歸里後杜門罕出讀書奉母閱八載而母卒年九十一哀毀盡禮其爲人嫉惡如仇然不立崖岸藹然可親論



事惟求其是不立異亦不苟同事有關繫於桑梓利弊者詢謀僉同故人無間言詩文無不多見惟遊衡嶽登祝融絕頂作衡嶽一賦膾炙人口衡山首迴雁尾嶽麓中以祝融爲主賦中形勢貫澈造語雄竒豈祇窮極幽險且可補志乘之未備洵鉅製也並工制藝文根柢理窟胎息隆萬不屑屑規撫時流故遊其門者多知名之士著有說文部首音義表一卷皇輿圖詠一卷讀禮四種服制釋義一種易學體例圖說若干卷均待梓國變後有故宮禾黍之痛時與二三隱君子相對歎歎太息而危行言孫絕口不及時事里人有延譽聘襄省政者婉拒之其抱道自重故能進退裕如不爲利祿所困綜其生平固乏聲色貨利之好尤不講養生延年之術而年邁古稀神氣清峻遇事無倦客卒年七十有七官知府子二人迺聰迺玲

佛山忠義鄉志卷十九

三

沈澤棠曰 吾友陳樾篤風義日挾寶榦行狀政書來見曰寶榦畢生心力盡在佛山一志志成而寶榦死矣痛哉編纂諸君子以君癸酉同舉於鄉夙有交誼屬爲之傳澤棠回念少年雅會意氣擎雲今則奄忽黃墟晨星落落心焉傷之澤棠雖老而無文不敢卻其所請傳成因識數語於後



佛山修志局捐款芳名開列於左

黃耕心堂捐銀壹仟員正

區守德堂捐銀壹仟員正

阮和樂堂捐銀陸百元正

大魁堂捐銀伍百伍拾員正

招敬賢堂捐銀伍百員正

傅翼鵬先生捐銀伍百員正

八圖祖祠 贊翼堂 捐銀伍百員正

王延年先生捐銀叁百員正

南洋兄弟 煙草公司 捐銀叁百員正

梁四安堂捐銀叁百員正

王壽慈先生捐銀貳百員正

洗氏家廟捐銀壹百元正

區樹羣先生捐銀伍拾元正

陳福生先生捐銀伍拾元正

孔繼光先生捐銀伍拾元正

梁資奎先生捐銀伍拾元正

任澄波祖承裕堂捐銀伍拾元正

梁愛日堂捐銀叁拾元正

趙士麟先生捐銀叁拾元正

上沙袁厚德堂捐銀叁拾元正

馮紹安堂捐銀叁拾元正

忠義流芳祠捐銀貳拾元正

鄉仕祠捐銀貳拾元正

梁五全堂捐銀貳百員正

孔毓蘭先生捐銀貳百員正

梁炎卿先生捐銀貳百員正

王宅捐銀壹百員正

南洋煙草公司 竹咀廠 捐銀壹百員正

簡照南先生捐銀壹百員正

簡玉階先生捐銀壹百員正

梁詠孫先生捐銀壹百員正

李師儉堂捐銀壹百員正

葉光大堂捐銀壹百員正

蔡善昌堂捐銀壹百員正

李耕就堂捐銀伍拾元正

梁永思堂捐銀伍拾元正

萬真觀捐銀陸拾元正

陳瓊雲先生捐銀伍拾元正

馮了性先生捐銀伍拾元正

經堂古寺捐銀伍拾元正

區煒圻先生捐銀叁拾元正

任百順堂捐銀叁拾元正

梓敬堂捐銀叁拾元正

毅齋書祠捐銀貳拾元正

羅恕齋先生捐銀貳拾元正

元吉黃公祠捐銀貳拾元正



區宗蘊先生捐銀貳拾員正  
坭水行榮盛堂捐銀貳拾員正  
任敬慎堂捐銀貳拾員正  
馮權石先生捐銀貳拾元正  
霍小芙先生捐銀貳拾員正  
盧宰和先生捐銀貳拾員正  
李大宗祠捐銀壹拾五員正  
梁應奎先生捐銀壹拾員正  
梁聯奎先生捐銀壹拾員正  
梁文奎先生捐銀壹拾員正  
黃寶石堂捐銀壹拾員正  
沈氏世祠捐銀壹拾員正

光華電燈公司捐銀貳拾員正  
黃氏宗祠厚福堂捐銀貳拾員  
朱世德堂捐銀貳拾員正  
馮儀廷先生捐銀貳拾員正  
梁伯憩先生捐銀貳拾員正  
馮伯緝先生捐銀貳拾員正  
文筆觀音廟捐銀壹拾五員正  
梁耀奎先生捐銀壹拾員正  
梁寶奎先生捐銀壹拾員正  
梁紹曾先生捐銀壹拾員正  
似水書齋捐銀壹拾員正  
沈大宗祠捐銀壹拾員正

陳總戎祠捐銀壹拾元正  
一百一十九圖捐銀壹拾元正  
一百一十四圖捐銀壹拾元正  
李參軍祠捐銀壹拾元正  
沈慎隆堂捐銀壹拾元正  
機房興仁堂捐銀壹拾元正  
汾水洗氏宗祠捐銀壹拾元正  
李仕良先生捐銀壹拾元正  
朱子勤先生捐銀壹拾元正  
福德天后廟捐銀壹拾元正  
蓮峰紙行捐銀壹拾元正  
溫幹卿先生捐銀壹拾元正

一百一十七圖捐銀壹拾元正  
霍氏宗祠捐銀壹拾元正  
李尙書祠捐銀壹拾元正  
何其上先生捐銀壹拾元正  
轎行意敬堂捐銀壹拾元正  
區系成堂捐銀壹拾元正  
潘翰林家廟捐銀壹拾元正  
永蓁葉公祠捐銀壹拾元正  
黃朗卿先生捐銀壹拾元正  
金魚陳大宗祠捐銀壹拾元正  
李平恕堂捐銀壹拾元正  
在高陳公祠捐銀壹拾元正



區耀堂先生捐銀壹拾員正  
陳太盛祠捐銀壹拾員正  
李大夫家廟捐銀八員正  
李道元先生捐銀五員正  
東堃霍公祠捐銀五員正  
李六世祠捐銀五員正  
明殿黃公祠捐銀五員正  
梁氏宗祠捐銀五員正  
彩陽霍氏宗祠捐銀五員正  
南勝古廟捐銀五員正  
朱祖彝先生捐銀五員正  
區樹三先生捐銀五員正

譚慧用公祠捐銀壹拾員正  
文武社捐銀壹拾員  
別駕洗公祠捐銀六員正  
洗台衡祠捐銀五員正  
林立章先生捐銀五員正  
李七世祠捐銀五員正  
石渠黃公祠捐銀五員正  
劉郭氏捐銀五員正  
始平宗祠捐銀五員正  
朱文寶先生捐銀五員正  
馮人初先生捐銀五員正  
溫佩文先生捐銀五員正

布大宗祠捐銀五元正  
一甲陳祥戶捐銀五元正  
二甲霍逢泰捐銀五元正  
三甲陳忠戶捐銀五元正  
四甲梁永福戶捐銀五元正  
五甲何祖大戶捐銀五元正  
六甲梁永楨戶捐銀五元正  
七甲區舜華戶捐銀五元正  
八甲陳必進戶捐銀五元正  
九甲梁偉戶捐銀五元正  
十甲羅兆元戶捐銀五元正  
一甲洗舜孔戶捐銀四元正

霍大夫祠捐銀五元正  
霍益生祠捐銀五元正  
霍熙甫先生捐銀五元正  
溫太原書舍捐銀五元正  
洗 瑛先生捐銀五元正  
呂五餘堂捐銀五元正  
盧從善堂捐銀五元正  
廖養山先生捐銀伍元正  
務滋善堂捐銀五元正  
潘慎謙家塾捐銀四元正  
翰平洗公祠捐銀四元正  
五甲洗繩祖戶捐銀四元正



六甲洗承泰戶捐銀四員正  
二甲霍豪戶捐銀四員正  
四甲霍維新戶捐銀四員正  
九甲何萬勝戶捐銀四員正  
一甲何繼祖戶捐銀四員正  
三甲陳世德 梁陳理捐銀四員正  
五甲洗貴同捐銀四員正  
謝氏書舍捐銀四員正  
一甲簡世榮捐銀四員正  
又三甲李鳳捐銀四員正  
五甲高兆捷捐銀四員正  
又七甲李大宗捐銀四員正

七甲洗益進戶捐銀四員正  
三甲梁進戶捐銀四員正  
八甲霍憲祖戶捐銀四員正  
十甲梁成祖戶捐銀四員正  
二甲洗衆為捐銀四員正  
四甲梁維盛捐銀四員正  
六甲洗翼捐銀四員正  
梁華金祠捐銀四員正  
二甲霍大同捐銀四員正  
四甲梁堯芳捐銀四員正  
六甲梁宗盛捐銀四員正  
再七甲李好問捐銀四員正

八甲陳世豐捐銀四元正  
十甲梁宗藩捐銀四元正  
九甲霍梁同 梁教可捐銀四元正  
柵下霍氏宗祠捐銀四元正  
洗良楚公祠捐銀四元正  
鑄鍋陶全堂捐銀四元正  
陳靜恒祠捐銀四元正  
陳少華先生捐銀四元正  
陳粹文祠捐銀四元正  
洗百剛先生捐銀叁元正  
陳桂樵先生捐銀叁元正  
黃伯瀚先生捐銀叁元正

九甲洗貴同捐銀四元正  
八甲洗永興捐銀四元正  
十甲洗光裕捐銀四元正  
李柔菴祠捐銀四元正  
胡軒蒞先生捐銀四元正  
桂芳洗公祠捐銀四元正  
陳慕堂祠捐銀四元正  
陳古峰祠捐銀四元正  
霍藹然先生捐銀四元正  
吳善卿先生捐銀叁元正  
蘇氏宗祠捐銀叁元正  
黃任侯先生捐銀叁元正



蘇光裕堂捐銀叁員正  
朱慶漪先生捐銀叁員正  
朱錫輝先生捐銀叁員正  
陳照偉先生捐銀叁員正  
楊茂昆堂捐銀叁員正  
楊慎修堂捐銀叁員正  
林羣芳先生捐銀叁員正  
余天海公祠捐銀叁員正  
李聚戶先生捐銀式員正  
梁相戶先生捐銀式員正  
一甲何以進捐銀式員正  
吳氏家塾捐銀式員正

朱慶沂先生捐銀叁員正  
朱蔭光先生捐銀叁員正  
朱量輝先生捐銀叁員正  
楊茂堂先生捐銀叁員正  
楊星垣書舍捐銀叁員正  
洗中憲祠捐銀叁員正  
容留餘堂捐銀叁員正  
李五世祠捐銀叁員正  
梁耀桐先生捐銀式員正  
正本梁公祠捐銀式員正  
何平泉祖祠捐銀式員正  
李健英先生捐銀式員正

區雲涯祖翁滋堂捐銀式元正  
區崇耀祖燕翼堂捐銀式元正  
挺峰陳公祠捐銀式元正  
洗日初先生捐銀式元正  
鄧熾修先生捐銀式元正  
彭粵敏先生捐銀式元正  
朱燮昌先生捐銀式元正  
陳渭行先生捐銀式元正  
陳玉京祠捐銀式元正  
盧萬全先生捐銀式元正  
布柱基先生捐銀式元正  
布啓耀先生捐銀式元正

區崇昆祖追遠堂捐銀式元正  
張旭正公祠捐銀式元正  
正泉陳公祠捐銀式元正  
洗萬安堂捐銀式元正  
何氏八郎捐銀式元正  
朱堯光先生捐銀式元正  
霍景昌先生捐銀式元正  
陳健行先生捐銀式元正  
陳秋筠先生捐銀式元正  
陳義祀祠捐銀式元正  
布廣來先生捐銀式元正  
布兆榮先生捐銀式元正



布湛端先生捐銀貳員正  
布貴垣先生捐銀貳員正  
布桂生先生捐銀貳員正  
布恩揚先生捐銀貳員正  
劉業文先生捐銀貳員正  
霍氏祠堂 捐銀貳員正  
霍家謙先生捐銀貳員正  
霍銓輝先生捐銀貳員正  
馮啓炤先生捐銀貳員正  
馮啓楫先生捐銀貳員正  
馮啓傑先生捐銀貳員正  
馮啓爵先生捐銀貳員正

布求端先生捐銀貳員正  
布松彬先生捐銀貳員正  
布瑞東先生捐銀貳員正  
布瑞林先生捐銀貳員正  
華光廟 捐銀貳員正  
霍隔塘祠 捐銀貳員正  
霍權輝先生捐銀貳員正  
霍柱輝先生捐銀貳員正  
馮啓鑑先生捐銀貳員正  
馮啓熾先生捐銀貳員正  
馮啓漢先生捐銀貳員正  
馮兆淇先生捐銀貳員正

馮兆濂先生捐銀貳元正  
南朗黃公祠捐銀貳元正  
丁卓榮先生捐銀貳元正  
陳隱全祠 捐銀壹元正

張階平先生捐銀貳元正  
丁振東先生捐銀貳元正  
廣茂店 捐銀貳元正  
麗興店 捐銀壹元正

以上各捐款并列入本局徵信冊進數內報銷  
尚有認捐現未繳款者容日收到列入徵信錄

